



透關射

向外爲射甲。土驚風惡症受驚傳於經絡。風熱發生。十死
一生。




勾脉

主傷寒




斗 肘 圖

男左手
女右手



脚穴圖

男右脚
女左脚



懷娠

懷娠之後。必須飲食有常。起居自若。使神全氣和。則胎常安。生子必偉。最忌食熱毒等物。庶生兒免有臍突瘡癰。

初誕

嬰兒在胎。必藉胎液以滋養之。初離母體。口有液毒。啼聲未出。急用軟綿裹大人指。拭兒口中惡汁。得免痘瘡之患。或有時氣侵染。只出膚瘡。易爲調理。

回氣

俗謂草迷

初生氣欲絕。不能啼者。必是難產。或冒寒所致。急以綿絮包裹抱懷中。未可斷臍。且將胞衣置炭火爐中燒之。仍作

大紙捻蘸清油點着於臍帶上往來遍燎之。蓋臍帶得火氣由臍入腹。更以熱醋湯洗臍帶。須臾氣回啼聲如常。方可浴洗畢。斷臍帶。

便結

小兒初生。大小便不通。腹脹欲絕者。急令大人以溫水漱了口。吸咂兒前後心。并臍下手足心。共七處。每處咂三五次。每次要漱口。以紅赤爲度。須臾自通。

浴兒

浴兒用猪膽一枚投湯中。免生瘡疥。浴時看湯冷熱。無令兒驚而成疾也。

斷臍

斷臍不可用刀剪。須隔單衣咬斷。後將煖氣呵七遍。纏結所留臍帶。令至兒足跗上。當留六寸。長則傷。肌短則中。寒令兒肚中不調。或成內吊。若先斷後浴。恐水入臍中。令兒腹痛。斷訖。連臍帶中多有虫者。宜急剔去。不然。虫自入腹。成疾。斷臍之後。宜用熱艾厚裹。包用白綿。若浴兒。將水入臍中。或尿在裙包之內。濕氣傷臍。或解脫裙包。爲風冷邪氣所侵。皆令兒臍腫。多啼不乳。卽成臍風。

臍風

兒初生六七日。患臍風百無一活。用青絹裹大人指蘸溫

水於兒上下牙根上將如粟米大紅泡子拭破卽愈

剃頭

小兒月滿剃頭須就溫煖避風處剃後以杏仁三枚去皮尖研碎入薄荷三葉同研却入生麻油三四滴膩粉拌和頭上拭以避風傷免生瘡疥熱毒

護養

小兒脾胃嫩弱父母或以口物飼之不能消化必致成疾小兒於天氣和煖宜抱出日中嬉戲頻見風日則血凝氣剛肉堅可耐風寒不致疾病

抱小兒勿泣恐淚入兒眼令眼枯

小兒夜啼用燈心燒灰塗乳上與喫卽止

小兒腹脹用非菜根搗汁和猪脂煎服

小兒頭瘡用生芝麻口中嚼爛塗之切忌不可搽藥

小兒患秋痢與棗食之良或與柿餅食

小兒宜以菊花爲枕則清頭目

小兒入夏令縫囊盛杏仁七箇去皮尖佩之間雷聲不懼

小兒一期之內衣服宜以故帛故綿爲之用新太煖令肌

肉緩弱蒸熱成病不可褰足覆頂致陽氣不出多發熱

小兒不宜食肉太早傷及脾胃免致虫積疳積雞肉能生

虱虫宜忌之非三歲以上勿食

忍三分寒。喫七分飽。多揉肚。少洗澡。

小兒不可令就瓢。及瓶飲水。語言多訥。

小兒勿令入祔廟中。恐神精閃灼。生怖畏。

面色圖歌

額印堂山根

額紅大熱燥。青色有所風。印堂青色見。人驚火則紅。山根青隱隱。驚遭是兩重。若還斯處赤。瀉燥定相攻。

年壽

年上微黃爲正色。若乎更陷天難禁。急因痢疾黑危候。霍

亂吐瀉黃色深。

鼻準人中

鼻準微黃赤白平深黃燥黑死難生人中短縮吐因痢唇反黑候飢必傾。

正口

正口常紅號曰平。燥乾脾熱積黃生。白主失血黑繞口。青黑驚風盡死形。

承漿兩眉

承漿青色食時驚黃多吐逆痢紅形。煩躁夜啼青色吉。人病眉紅死症真。

兩眼

白睛赤色有肝風若是黃時有積攻或見黑睛黃色現傷
寒病症此其跡。

風池氣池兩頤。

風氣二池黃吐逆躁煩啼叫色鮮紅更有兩頤胚樣赤肺
家客熱此非空。

兩太陽

太陽青色驚方始紅色赤淋萌孽起要知死症是何如青
色從茲生入耳。

兩臉

兩臉黃爲痰實咽青色客忤紅風熱傷寒赤色紅主淋二

兩頰金匱風門

吐虫青色滯頤黃一色頰間兩白詳風門黑疳青驚水紋
青金匱主驚狂

辨小兒五色受病症

面色青者痛也。色紅者熱也。色黃者脾氣弱也。色白者寒也。色黑者腎氣敗也。

哭者病在肝也。汗者主心。笑者主脾。而多痰啼者主肺有風。睡者主腎有虧。

察色驗病生死訣

面上紫心氣絕五日死。面赤目陷肝氣絕三日死。面黃四肢重脾氣絕九日死。面白鼻入奇論肺氣絕三日死。胸如黃熟豆骨氣絕一日死。面黑耳黃呻吟腎氣絕四日死。口張唇青毛枯肺絕五日死。大凡病兒足跗腫身重大小便不禁目無轉睛皆死。若病將愈者面黃目黃有生意。

痢疾眉頭皺驚風面頰紅渴來唇帶赤吐瀉面浮黃熱甚眼朦朧青色是驚風白色是泄瀉傷寒色紫紅

湯氏歌

山根若見脉橫青此病明知兩度驚。赤黑因痰時吐瀉色紅帝夜不曾停。

青脉生於左太陽瀕驚一度見推諫亦是傷寒微燥熱黑
青知是乳多傷。

右邊赤脉不瀕多有則頻驚怎奈何。紅赤爲風抽眼目黑
沉三日見閤羅。

指甲青兼黑暗多唇青惡逆病將瘥忽將鴉聲心氣急此
病端的命難過。

鼾虫出口有三般口鼻中來大不堪如或白虫兼黑色此
病端的命難延。

四肢瘡痛不爲祥下氣冲心兼滑腸氣喘汗流身不熱手
拏胸膈定遭殃。

內八段錦

紅淨爲安不用驚。若逢紅黑便難寧。更加紅亂青。尤甚。取
下風痰病立輕。

赤色微輕。是外驚。若如米粒勢難輕。紅散多。因乘怒。龍更
加搖擲。實難平。

小兒初誕。月腹病。兩眉顰。號作盤腸泣。時啼哭。又呻吟。急
宜施法。行功作。

小兒初誕日。肌體瘦。疳羸。禿髮毛稀少。元因是鬼胎。

外八段錦

先望孩兒眼色青。次看背上冷。如冰。陽男摘左無防。事摘

右令人甚可驚。

女搐右邊猶可治。若逢搐左疾非輕。歪邪口眼終無害。縱有仙丹也莫平。

顙門腫起定爲風。此候應知是必凶。忽陷成坑如盞足。未過七日命湏終。

鼻門青燥渴難禁。面黑唇青命莫存。肚大青筋俱惡候。更兼腹肚有青紋。

忽見眉間紫帶青。看來立便見風生。青紅碎襍風將起。必見疳癥膈氣形。

亂紋交錯紫兼青。急急求醫免命傾。盛紫再加身體熱。湏